

四庫全書

史部

欽定四庫全書

史部

欽定南巡盛典卷十二

詳校官兵部郎中臣孫球

欽定四庫全書

欽定南巡盛典卷十二

天章

乙酉

江南

詩

入江南境

雨霽仲春初策驄却輦輿瞻像從衆願

長途雖御輿輦每策馬則民得

逐瞻依趨隨幾至萬人亦感事也

呵禁戒相於

弗令侍衛呵禁羣情益喜竟集鞭鐙左右矣

麥露含平隴柳烟護遠墟劃圻各迎送分野異青徐民

望真憐彼

江浙之民望幸者多

河防益厪予入疆欣幸者氣象較

前舒

淮徐向為瘠土每歲被災適年疏濬六塘水有所歸幸逢連歲有收民間氣象較前畧蘇為之欣幸

四依

皇祖示江南大小諸吏韻

士不談王道或致笑樵樾而況任保障民瘼應細剖繫
予巡江國三年隔未久入疆古有慶要務安黔首漢良
二千石召父與杜母政不在催科心惟籌畎畝揚徽彼
居前繼美誰當後其司水土臣金隄在鞏守文武縱殊

途和衷貴相友前度示訓言已勒琬琰壽賢韻重申意
實踐毋虛負

度永濟橋再疊舊韻作歌

長橋卧波如虹迤中泓有水旁無水夏秋淫潦藉此消
前人建議所由起其如六塘填闕多重臣命徃悉心視

湖水由橋下注為六塘河河中尚多闕埂夏秋漲米宣
洩不暢輒漫及田廬前巡經臨籌度命大學士劉統勳
等上下履勘定議濬
壅培堤俾資利導
土水合穰俾別導大禁淤田侵河

裏責成則各有司存

六塘舊無專駐之員土人侵占河
淤莫知節制又尾閭橫經鹽河商

利蓄而民利消啓閑所闕恭鉅自前巡增設
脂壩且簡廳員移駐董事章程始為可守
急緩從事

將罪爾三年以來頗見效秋禾未致為波毀下民清問
較前蘇乃知事在人經理臨斯上祇切惻惻善斯後莫
懷矜恃此去淮黃審所行兩言敬畏常銘以

六塘河疊舊作韻

治水無奇術要當使歸海駱馬之下游厥有六塘在疏
斯受利益淤斯受危殆而何久因循弗謀更張改往甚
命諸臣事在壬午載地利相機宜民瘼救吝悔僉同亟

舉後肯作道謀待映咽與濬通卑薄與培倍鹽河置開
壩節宣有定楷自茲潦歸壑耕犁得興乃力田免水患
民自以不怠近歲頗獲收閭閻衆熙愷詎予獨斷臧實
藉羣言採

順河集行館疊舊作韻

橋過永濟不多程行館西鄰宿預城數字瓦房樸非舊

周圍布帳制如營

南來行館率簡樸非宮殿比至此處則益令從約內則數字外列布帳為

周廬仍如行營之制

柳絲牆外搖還弱蘭朶階前馥以榮到處懋

勤供研匣捨斯何用遣閒情

賜江南總督大學士尹繼善

綸扉昨已命和羹江國仍資扈蹕行明代稱賢必王

仁守

石

永

漢家推盛則韋

賢

平

當

封疆幾處皆時望旌節世

年獨老成亦識心殷依北闕待宣入閣贊樞衡

賜協辦大學士刑部尚書仍管江蘇巡撫莊有恭

重教任蘇撫近復擢秋卿豈不輕車藉要資法網平蹕

途暫留扈翰幄自歸并

莊有恭早官侍從歷典封疆昨謝陞刑部尚書摺深以仍趨侍

內廷為喜德政吳松在何曾讓畢亨

明畢亨開吳松江大惠民前年莊有恭亦奏請

疏治蘇松湖
泖圩蕩各工

過宿遷縣

大隄臨運水宿預過名城煙火隔隄庶倉箱際歲亨殷
勤詢吏治親切愛民花柳遲何碍寧因攬勝行

隄上四首

淮北由來本瘠土六塘疏治起耕畬迎鑾萬姓休稱頌
為汝宵衣尚慙如

累跡摩肩隄上鋪果看氣象較前蘇寧徒云慰畢吾事駢
駢疊恩綸有後圖

夾隄栽柳為

去聲

河防

河兵例於隄內外種柳以供下槌之用

高下成行護

野塘却是春風不相讓輕搖絲縷半薰黃

大隄內外麥菁蔥食接青黃跂望中趨覲萬民略塵埃
恰欣細雨潤濛濛

過仰化集自警

策馬重過仰化集因之返已深長思三年必世斯已厯

風醇俗美夫何時長官宣訓有典故

每月朔望有司宣
聖諭廣訓者

庶環集祇聽以廣
教化著在今甲

家喻戶曉誠難其設曰程督俾盡力

矯枉恐益騷擾滋神禹惜陰乃敏德大舜南面臻無為
富猶艱致教豈易顧名安得不忸怩

降旨免宿遷等四縣本年正賦十分之五詩以誌

事

憶我三番曾過此滿目民艱恫瘝視蠲租加賑不少靳
究亦無能瘡痍起壬午之歲博咨訪略覺其中悉源委

因之疏剔六塘河果然潦退堪耕耜人事盡而

天貺隨連歲秋收皆獲美茲來殊覺大改觀憑輿歷覽心

生喜戶有蓋藏育鷄豚衣鮮

上解

襖裂膽婦子不災不賑

奚所加究欲加思念無已因思時巡免正供十分之三
常例耳數縣瘠土應倍憐益三至五斯可矣留有餘用
蘇茆簷減一半惟投縣匭佇看元氣復閭閻庶協以休
以助理

雨

二月初十日

雲容兩日密鋪空
曉霧旋霏細雨濛
故識江南此易致
却思移澤遍齊東

賜江南大小諸吏食因示志

負弩概勞勤
肆筵恰衆欣
聯情交泰陞
霈澤叶需雲

是日

值雨因各賜帛為雨衣也

後樂吾猶惕
先憂誰共分
惠鮮端有要所

望莫孤殷

清河道中雜詠

夜雨達晨曉
未晴大隄以上
御車行山東
塵土江南渾

轉眼如人無定情

迎鑾黎庶聚猶多雨裏那曾笠與蓑愛敬真如子於父
可無惠保計如何

御營將近忽開晴隔岸清河見故城遺跡元明籍可按
孰非保障為民生

和門近對運河濱來往誰何禁不申瞥過風帆信如畫
明朝也是畫中人

閱中河

東西悉屢更惟此協中行

聖制利千古

中河 皇祖相
視所定利賴無窮時巡仰

大成黃河南滙近汶水北分清擬命溯洄舫詳觀濟運情

向來南巡返蹕皆遵陸今年命由水路御
舟而還欲以觀運河卽宣情形亦要務也

楊莊牆四依

皇祖詩韻

通漕北南千里餘審形建牆俾紆徐臨黃最以斯為近

虔鞏節宣計漫踈

仲春遲日靄晴絲玉馬觀民轡緩移疊跡摩肩縱瞻就
不訶七萃早羣知

渡黃河六韻

雨霽物熙春風恬波靜淪綵棚叩

靈瀆

渡河時有司于北岸具綵棚為躬祀
河神之所辦香展敬始登舟徑度

畫舫發通津

惠濟

祠名

瞻前見

慈寧奉四巡安瀾一川喜彼岸片時臻

天意昭恩佑人情愜愛親自維何以答勤政與仁民

惠濟祠

河畔崇祠金碧煌
渡河瞻禮敬誠將
代

天敷佑令今古行
地昭靈清與黃利
涉往來賴

神貺升香楮帛籲
民康敢云

錫羨由昭假慎德
惟殷勵不遑

觀清口出水誌疊
舊作韻

審悉洪澤患率緣
清口壅東西東兩
壩惟留一壑送此
固具深意蓄清敵
黃縱所以靳拆壩
亦半惜費葑然其

勢既盛又當權輕重何必恃五壩

高堰盡處設仁義禮智信五壩以為洪湖

尾間之洩俗所謂天然壩也一過水而下河無不被災之理向屢有詩

云有尾間供久度

入聲略知要欲救為魚痛獨斷示機宜初不資紛訟尺寸

慎詳計

每壩口水誌增長一尺即令清口拆開十丈準是為式然後上下節宣歲無贏縮

拆收

在敬用河臣奉此策年來豫留空五壩未過水幸哉言

偶中計其拆收費帑金數萬動下河連年收曾弗驚泥

洶損益多少間昭然知者衆觀民與觀河豈可辭倥偬

隄上相咨詢珠勒轡緩控株守亦非佳推行貴錯綜苟

其利吾民慰哉奚勞頌

過清口觀木龍六韻

清口乘舟渡木龍欲審觀試非虛費帑

建一木龍計費至萬金

果

見有淤灘閱罷西涯戀泛迴東岸歡

渡清口而西緣隄閱視木龍四悉其

掛淤情形因相度河勢於陶莊積土相對處諭河臣添建木龍一具俾益收挑溜之用事畢旋載西涯之民有戀意而東岸何曾嚴蹕路竟是近隨鞍幸不為民畏由之民益歡迎

來以子看河工謀保障安得弗心殫

木龍示總河高晉作

積土陶莊勢久成逼黃恐致漸侵清曰斌重舉木龍製

此宋陳堯佐法高斌效而為之

汝晉仍於沙渚營南漲北坍雖有效

前

相度清口允高晉請添建木龍以資利導兩載以來南岸新漲灘二百六十餘丈北岸刷去舊淤一百四十餘丈護工挑溜已著成效

揚湯止沸可無驚河工艱一勞永逸補罅

期輸爾我誠

閩河四依

皇祖詩韻

閩河歷歷仰

堯營挈要云由地裏行稍事調停在清口下河連歲幸收

成

河臣向皆靳折清口平時節宣未暢下游易遭漫溢
壬午春巡定制以高堰五壩水誌高一尺清口即開
放十丈為準下河頻年不
受水患歲獲亦慶屢豐

清江浦

渡河今日莅清江沙岸邊旁艤鳳艘便覺景光非北地
行看佳麗到南邦建牙近守金隄固

總河衙門建于是
以近清黃交會堤

工最要

置臨永期玉柱杠

惠濟開為通
津最要關鍵

向晚澄波印新月

謚人神思果無雙

賜江南河道總督高晉疊舊作韻

東南稱澤國保障畀雙旌詎在工穿鑿惟應盡敬誠隄

堅幸黃刷口拓暢淮清

年來清口宣洩之法高晉善體朕意於啟閘尺寸一以高堰五

壩為程不惜拆清口壩之勞費是以屢年五壩不過水下河田廬並資利益

實爾推行善母

須揚頌聲

過淮安府

漂母祠邊暫據鞍射陽城裏徹鳴鑾竟成減從還輕騎
都為民親與俗安縱喜市頭平米價那無簷底嘆衣單

孳生庶更謀生窘不見其熙祇見難

閔淮安石隄再疊前韻

河工於何艱艱惟亘徐海山陽處其中人烟庶更倍所
恃惟一隄因命以石改雖非探本計粗安賴厯載

皇祖有徽猷功同禹乘橈動皆合天人舉必究源委藐
四南巡繩

先志勤每曰述實非作仍以遵

神楷隄高將埒城詎曰安非殆淮黃苟暢消為魚憂庶罷

顧咨司河臣莫恃茲晏愷常凜一心畏俾免萬民駭

賜漕運總督楊錫紱

內供卿貳外封疆司運今番政最良不必精嚴事皆就
善于驅使衆胥襄即今水次排南舸弗誤秋來到北倉

楊錫紱奏今歲南巡漕船於水次分別
前後預置且二月逢閏定當如期抵通更議僉丁蠲積

習

向來軍籍各戶多攬易規避甚至藉指衙冒考為巧
於詭脫之計楊錫紱條奏立法禁治凡紳衿請托一

除

旃

不徇流俗審應減

過寶應縣

鳳舸泊川塘城闌緩控韁欲求萬民晏慎選有司良直

道由來久平安亦自臧

縣志漢時為平安縣至唐上元間因得定國寶改今名

元因得寶改縣失荒唐

晴三首

江郊宜雨更宜晴麗景迎曦嫩暖生催漕

去聲

東南風豈

碍

江南春月多東南風俗謂之催漕北上也

漲添順水送舟輕

東南風旋

去聲

轉西南藉卜開晴有俗談

南方俗諺風雲西南得晴占

散日輪光尚淡入波疑是玉蟾涵

柳態蕪姿入畫情
隄梅又放兩三英
似傳鄧尉催人意
却為觀民不趙程

過高郵州

覆孟城北艤行舟
玉勒城中歷覽周
建置詎惟圖目覩

資生要欲悉心求
下河獨斷幸無滂

前巡審悉河湖形勢因命河臣視高

堰五壩過水尺寸展拆清口以洩洪澤之漲連歲下河得免水患並獲有秋

連歲羣稱歌有

秋馬首拜恩亦奚藉
哺孩寧復望其酬

車邏壩

車邏諸石壩所以洩狂瀾洩之水猶盛增置東西灣

丁丑

南巡以高寶湖河入江未暢因命于金灣加寬引河中
間增置石壩而東灣濠壩則令落低壬午春親蒞籌度
並令將西灣濠壩落低亦謂悉心謀其如多來源洪澤
四尺俾成建瓴之勢

過五壩厥勢誠滔天詎此所能救坐看潦下田因謀抽

薪計拆壩清口宣為之定尺寸寬窄相衡權

前巡諭暢
開清口以

洩洪湖視高堰水誌如過水一
尺即拆開十丈節宣永為定制

年來守此策洪澤洩漲

前

天恩更未滂五壩無漏泉車邏常封土

清口既暢湖水宣
洩有資車邏始得

堅閉下河頻年幸
不被水遂致屢豐

下河有收連歷覽為額慶吾言中偶

然而此詎敢矜惟益勵惕乾

初遊上方寺

灣頭遙見起平岡聞說精藍有上方雖是徑蹊畧紆轉
果然松竹不尋常八禪漫論道其要萬姓尤欣副所望

馬足紛隨定何碍躡蹠惟惜麥抽芒

萬姓隨馬足趨瞻
竟有踐踏麥苗者

既不忍嚴禁呼令莫
履麥田彼乃不聽也

香阜寺

龍角蜀岡低

香阜俗又謂之小五臺蓋蜀岡盡處如龍之角云

花宮湧地棲浮

樓過運水下馬叩招提三載誠修爾千秋可例今天寧
知不遠易舫進前溪

天寧寺再疊前韻作

八會窮源開舍衛三明極地演迦陵雖云蕪郡城北郭
已似四禪天上層馬到門前知路熟鳥來簷下聽經能
昔題著處逢迎是不異今朝愜賞憑

駐蹕天寧寺行宮疊舊作韻

曲徑相通向右邊了知行館最清便
綰旌又駐仲春月
香辰何殊壬午年嘉蔭仍看喬柏峙
幽芳已有早梅妍
大觀堂裏披書坐無逸當前意悚然

九峰園小憩

觀民緩轡度蕪城宿識城南別墅清
縱目軒窓饒野趣
遣懷梅柳入詩情評奇都入襄陽拜
園有九奇石因以得名非山峰也

舉數去聲還符洛社英
小憩旋教進烟舫
平山翠色早相

迎

蓮性寺

一瓣一不

虞韻

皆具性萬不萬瓣性皆空
褒嚴塔院有如

是無盡光明碧水中

功德林

竺宇平山左厥名功德林石磴雖不高亦足具四臨
右俯適來川絲管猶繁音左挹麥塍綠實覺娛吾心
視聽胥且置一思功德義譬如惠心者勿問字惠意
佛無物不度度亦不居惠是則功與德二字將何寄
微覺調御

笑語言實兒戲

題平山堂

鬱律山堂倚碧岑
建時猶是紀廬陵
羶鄉佳勝七百載
嘯詠風流四五朋
必有真能被民澤
不然何以至今稱
重來拱讀

奎章煥旌淑原從漢詔徵

大觀堂疊舊作韻

南巡重莅止寧為
恣娛觀展也必由
義樂今敢涉盤何

來此有覺慙若未遑安益勵甄心戒深防適已歡餘聞
聊可棄精蘊亦因殫在上思義象變變祇見難

降旨免江南熟田未完欠項並將江蘇經過州縣
均免十分之五詩以誌事

啓鑾前免百卅萬實指災田所欠尾入疆詢知江北多
江南纔三萬而已是則江北被恩重江南無災恩薄矣
因問熟田或有逋亦不過四萬斯止概與蠲之仍覺輕
十分免五惠同視宣尼曾云不繼富蓋於他人非赤子

藏富閭閻信益佳詎曰驩虞博民喜

遊倚虹園

情知名墅郡城西遂艤蘭舟步蘚隄花木正佳二月景
人家疑近武陵溪笙歌隔水翻嫌鬧池館藏筠致可題
片刻徘徊還進舫蜀岡秀色重去聲相徯

淨香園

雨過淨猗竹夏前香想蓮不期教步緩率得以神傳几
潔待題研窻含活畫船吹笙橋那畔可入牧之篇

趣園即景

多有名園綠水濱清遊不事羽林紛何曾日涉原成趣
恰值雲開亦覺欣得句便前無繫戀遇花且止足芳谷
問予喜處誠奚託宜雨宜暘利種耘

水竹居

柳隄繫桂艘散步俗塵降水色清依榻竹聲涼入窗幽偏
誠擅獨攬結喜無雙憑底靜諸慮試聽石壁淙

是處
本名

石壁流淙為平
山四十景之一

題天池

在功德林中

林中功德池迥自半天披淥水入澄照青山猶古姿魚
衝漪上下花弄影葳蕤一派曹溪味尋源識者誰

題小香雪居

竹裏尋幽逕梅間卜野居畫樓真覺遜茆屋偶相於比
雪雪昌若曰香香淡如浣花杜甫宅聞說此同諸

再遊平山堂即景雜詠八首

曉烟欲泮猶未泮山色如遙却不遙一路名園都可憩

木蘭先泊倚虹橋

纜牽春水拍舟輕
戰戰新蒲刺水生
夾岸樓臺不知幾
聲飄飄都在鏡中呈

澹蕩輕風靜碧淪
堤籠絲柳拂船唇
沿隄緹騎非嚴蹕
為挈銀牌賜老人

春光滿眼已撩人
梅白茶紅倚翠筠
屈指長橋過廿四
風流誰是紫微倫

有時屨步有時舟
幾暇聊成爛漫遊
饒舌咄哉此言失

得聞吾豈樂天流

傍午徂雲忽放晴平山濯翠益分明吾寧徒為去聲遊山

計計到田功實暢情

綠竹叅天一徑細白梅似海萬株多援毫題曰小香雪

大者浹旬較若何

屈指十朝
當至鄧尉

梅塢西鄰即蜀岡春風依舊坐山堂適來絲管真嫌聒
恰喜松風一掃涼

塔灣行宮四依

皇祖詩韻

乘氣寧闕玩物華
籌民本計厓禾麻
庶繁郡過蕪城市
瀟灑軒依鹿苑家
金柳已搖高下縷
玉梅都放淨娟花
天章賡和知

垂訓蒙業承平意
敢奢

微雪

二月十九日

夜雨晨陰午後涼
凝成雪片灑飄揚
旋看落地融為水
穡事花期兩不妨

長空細糝漫徘徊六出花飛費剪裁
六應知別有意欲因親切較江梅

塔灣行宮三依

皇祖示江南吏韻

載謨大小吏為政有常經恕不妨蒲示節當如竹亭莫
忘惻瘼念恒切怨咨形豈必催科巧逋徵早已停

過瓜洲鎮

江裏洲傳瓜字曾廣陵潮昔有明徵

蔡寬夫詩話潤州大江本與楊子橋

對岸瓜洲乃江中一洲耳李紳詩揚州郭裏見潮生自瓜洲以間為限潮遂不至揚州夫唐時揚州尚見潮何況于漢著述家遷就枚乘賦語俱以曲江觀潮為是杭非揚且謂廣陵舊治甚大錢唐當在所轄之內此與刻舟膠柱之見何異既為開元以後襟喉要乾道之間城之辨復注大意于此

堡興占地其來亦已久讓川雖安卒何能去年異漲坍沙磧幸保安然暢倍增

渡江至金山駐蹕作

南巡又奉

大安舟今日金山此重

去聲

遊昨尚風狂今乍息每逢浪靜

信何修

親歡誠益愜深願

祖德思惟勗遠猷浮玉底為新景會箕山對映玉微留

昨夜

微雪箕山一帶曉猶未
融積素更為江天朔觀

金山寺再依

皇祖詩韻

忽聞江上按雲和仰首方知天籟多我切聰聰在

軒碣三年睫眼訝無何

金山三疊舊作韻

萬頃銀濤百丈青文章大塊善形形誠知

天地此鍾秀敢曰山川特効靈滿月面重瞻相好如冰壺
裏悟流傳妙高臺上遊遙目興寄鳶魚徹洞冥

近涯南北春盈地遠派東西水接天想像繩床叅印老
補藏玉帶證坡仙

寺有坡翁玉帶久缺數版士
牛臨幸為補足之曾有詩

拱瞻

義碣欽

前烈欣奉

任興悅

大年到處花宮虔祝

嘏誠同蒼赤一心連

觀濤樓歌

傍晚大江略作風逆風者勞順者逸不如山頂坐層樓
勞逸齊觀泯得失變然悔此非我談談合漆園寥天一
一物逸我為心慚一物勞我為心疾疾心慚心紛乎中
辭之斯吝安猶吉夫然那免鬢星星擬藉觀濤滌塵沕

遊金山寺四疊蘇軾韻

大江入中國十分到此三分已近海河常有患江無患
偶然亦復有患在去歲荆楚肆難陀尾打浪冠湏彌波
文泉監利被災重賑恤寧靳費帑多瓜洲城下走舟楫
坍砂日甚於一日艾健保護那可施南望心憂為黔赤
上年六月湖廣總督李侍堯等奏楚省積雨江漲上游
文泉監利迤及黃梅廣濟被災數邑疊行降旨賑恤旋
經高晉奏江省瓜洲江水長發文餘迴瀾壩
岸坍嘴至七月汎平加甃碎石江塘復完
漲退城安
定駭魄民色如前澤而黑輕艫重剪江波明為思昨夏

猶餘驚我有恒心民盡識屢巡豈緣攬景物韻春復駐
氏父山強和蘇韻不避頑獨愧詁詁言未已可知既水
弗洗水

自金山放舟至焦山四疊蘇軾韻

兩岸束江深眈眈瓜步在北京口南天塹形勢攬已熟
奚啻曰再與曰三金山放舟纔片刻迴視銀海擎黛巖
山色屋處欠一到隱慮或致焦先慙順流鼓枻意甚快
風浪奚礙心澄潭故知羅嘯草木茂枝姿葉態迎春酣

乃復寺旁構行館成事不說何勞談

已見壬午疊韻詩

小憇弗

宿發青雀調御月面空花龕熾然今昔非今昔中邊食

蜜皆甜甜獨是結習寄吟詠屢膺蘇韻寧辭貪八州牧

同五斗祿

見蘇詩

一長老商七不堪呼之欲出難想像但

聞其聲留谷菴

亦用蘇語

清寄堂

別館精藍側逕幽花木芬棲遲雖覺適供奉略嫌勤古
栢虬蟠影高峰螺皺紋偶然寄清興流水與行雲

竹樓

竹裏書樓架竹為拂筵還入戛風枝恐人強與分賓主
故藉泠然一掃之

海門菴

倚壁為菴對海門絕無塵處閱高奔山僧不用蓮花漏
自有潮頭報曉昏

遊焦山作歌再疊舊作韻

焦山侵尋亦有屋難傲金山獨在腹土為母子木弟兄

世人慣作響應聲太古以來大江水豈知較此與量彼
三詔先生如可起首肯吾言歎止止水流地而雲行空
誰論有是有非是維舟登岸又斯辰如來默坐何修勤
無色聲香味觸法施檀禮足徒紛紜風旛不動自標偈
龍象變見皆成文吾方興屬層岑雲下暎江色青氤氲
今新昔故泯芥蒂南疆北界誰區分東瞻海門詠蕩蕩
百川虛受胥平吞蓬萊方丈竟何處祇餘潮聲朝暮聞
甘露寺用張祐韻

心淨泯羣象目空無點埃三乘于以閱四度底論來江
色翻禪壁山光落講臺衛公固扁鐫舍利也還開

遠帆樓即景四首

清晨進舫攬焦山甘露紆臨卓午還東望青螺湧玉海
畫如我適在其間

來往帆資一面風舟師破浪實稱工忽思駿馬馳山阪
控縱隨人此或同

舉目雲行與水流廓然俯仰契神投大江東去千秋調

多把黃州誤潤州

寺壁勒明季夏言等大江東去詞蓋皆數典東坡黃州之作

重閣名同太液池

瓊華島北閣臨液池亦名遠帆

織梭帆影鏡中披即看浮

玉原瓊島外苑何須異視之

登金山塔頂三疊舊韻

塔頂應須更有尖碧空在上獨稀魚看茲卓爾禪明示
到此誰能意不恬風物江山原弗異詩篇今昔且由添
了知未似東坡句却喜依他韻屢拈

題鏡治齋

浮玉大江裏行齋浮玉中

堯

勲遵露冕禹德慚

去聲

卑宮不到塵埃處真教機象融省

方闕治化淵鏡意何窮

金山妙高臺和蘇軾韻

先我問誰登眉山玉局子仕朝七品官辭家六千里屈
信往來間蓋同遊戲耳忽愛浮玉峯嵬嵬江中起義取
華嚴經名此臺如砥比邱擬德雲談禪對棐几了了契
心神朗朗出口齒斯誠迥出塵那更申盟水獨步妙高

間是是非非是效之者計愚似之者法死

策馬過鎮江府

揚子橫江片刻過毘陵策騎度逶迤民情較昔尤相熟
馬足趨隨那厭多城有絃歌興禮讓戶無滋擾自熙和
黃童白叟誠繁庶為去聲計資生應若何

登城霞閣再疊舊作韻二首

運路襟烟郭橫樓帶水衢助休度已義灑掃塵人劬登
攬寧無興安懷要有圖會歸惟北極禮樂盛東吳方抱

一心欲那經萬口呼殷殷祝綏屢庶得四民蘇

詎可揚帆過登臨俯市衢四巡非一歲三義丐千劬西蜀成偏業
南揚贊遠圖深謀艱伐魏遺恨未吞吳紙幣今仍走樓
桑昔罷呼城霞揭妙理勁筆備顏蘇

過艤舟亭不泊

南邦風雨是其常涼迫詢無害麥秧

通日風雨作涼夜
起微雪恐傷麥苗

問地方史
稱無害也

避渰漫嫌孤勝境迴舟再艤又何妨

石尤風送雨絲濛駐處猶遲十里道玉局艤舟予進舫

景情雖異地原同

淺水寧關答庵主利風更異趁將軍畫亭舍是非無謂
早到圖休扈蹕羣

寸麥尺水

寸麥尺水猶無妨尺麥寸水亦致殃不是南來諮檣務
似茲委曲那能詳

沈德潛錢陳羣來接因成是什仍各書一通賜之
二仙仍此候河濱三載相睽意更親郭泰李膺一烟舫

二人同舟而來

沈期錢起兩詩人飄然白髮都還健
瞭爾青腫

自有神筆力年華雖共老載廢知復倍清新

泛舟遊惠山即景禱詠

川路遙看

平聲

見惠山輕雲淡日蔚孱顏遙飛吟興於何

是祇在泉流峯峙間

烟溪暫泊換輕舟兩岸麥苗綠似油
致我欣然誠在此

寧徒留意為

去聲

清遊

寄暢園中小憇遲搽紅梅白毫春姿林泉別我三年矣

似曰無他祇待詩

精藍西轉有禪庵

即庵名設竹籬每至必試茗

此最堪疊

韻寧辭綺語過前三三復後三三

寄暢園三疊舊韻

流引惠泉水一灣石橋過處敞軒間樹遮洞以千年計
瀑出峽分數道潺趣為去聲永哉暢非俗樂惟仁者寄於

山養疴旋里人何在撫境愀然是此間

園為秦氏別業夫休尚書秦蕙

田以病請假南還尋即在途不起
回湖地是人非為增感者久之

忠山寺再疊舊作韻

春氣濛濛潤岫螺花宮兼有古松羅青衣童子誰曾見
白足僧人此處多畫卷重教神晤會竹爐一為去聲手摩
娑底須令昔頻量檢七識田中幻末那

圓池

圓池方之上堪輿含至理得氣擅清輕應較下為美

方池

方自圓流出非遠品乃低雖然甘不逮猶自勝梁溪

自惠山跋馬過無錫縣城登輕舟至水營即景
雜詠

錫山雲氣自南濃
促返恐防春雨逢
跋馬烟塍不三里
棼絲已是灑零零

黔黎趨擁喜逾常
所惜無端躡麥秧
萬民趨隨夾道竟有踐踏麥苗不顧者

雨笠烟蓑都不藉
忍教呵禁警龍驤

寧民自視廟堂謨
豈繫尋常錫有無
比戶安和心實慰
頌言那在謝蠲租

城南盪槩下川郵烟意溟濛勢乍稠前指水營猶十里
倩誰風雨畫歸舟

駐蹕蘇州疊舊韻

試言底事重時巡必在恩敷率土濱到處繼繩仰

聖祖行春追賞奉

慈親迎鑾不較晴還雨

是日值雨萬姓雨中迎鑾歡呼
夾道不避淋漓益為嘉憐不置資

老那分富與貧信是民情大可見由來十室有忠淳

賜沈德潛

吳中令古老人科比似徵明定若何書畫雖輸詩勝彼
功名已過壽如他遊山有興仍清健處世無爭祇善和
明說九旬有三歲那更年格尚嫌多

德潛老而始遇通仕籍時未以真年

告故吏部履歷令當以八十九然德潛實康熙癸丑生今應九十三歲此政東南士林宿望亦國家祥瑞何必更以老為嫌故未向調之

凝懷堂再疊舊作韻

行令駐葩璚承

歡奉

薊衣永同天下

養時勅化工機供帳毋求備情田曲體微

璿題參妙義恒護慶雲輝

獅子林疊舊作韻

每閱倪圖輒悅目重來圖裏更怡心曰溪曰壑皆臻趣

若徑若庭宛識尋足貌伊人惟怪石藉知古意是喬林

何堪摹卷當前展

壬午南巡曾手摹倪元鎮獅子林圖
弄藏林園今復攜倪卷來遊相形之

下殊覺效顰不當因並
書于倪卷及摹圖中

笑似雷門布鼓音

遊虎邱即景雜詠

馬嘶小步出金閭
細雨輕風正不妨
為愛觀民慢鞭策
須臾亦復到山塘

河裏龍舟畫鼓鳴
布商藉以獻其誠
欲思返樸申嚴禁
矯枉兼虞拂物情

為門為逕我曾知
若石若泉彼益奇
開著雲窗聊俯暢
四郊烟景總宜詩

虎邱雲巖寺

雲巖真是德山雲古樹時花總淨芬求跡無珍誠畫虎
點頭有石似疑麋竹聲繞砌通其響參色盈窗致我欣
那是司徒志遠處

志在遠遊王
珣伯遠帖語

千秋佳話付云云

靜觀齋疊舊作韻

靜觀猶是

當年額巖壑何曾占迥深却為不交絲竹耳堪知

宏蘊地天心

含暉山館

春山多淑氣巖館值來遊
翫吐蘭心馥簷開柳眼榮
王祠緬曠達謝句詠風流
信美非吾事吾惟民隱求

虎邱寺四疊蘇軾韻

異哉金寶氣何以化岡嶺
千秋鎮姑蘇改邑不改井
溪田帶秀菑閭里暎清耿
春氣入山塘已聞呌蛙黽
奇傳劍三千誰見飛出礦
平石坐千人既博勢亦猛
生公緬講堂妙理元言騁
葛賢有遺墓奮義志悲哽
閱古過雲烟不異一瞬頃
調御趺花宮其心死灰冷
我亦合忘懷

言詩興猶永四疊玉局韻聊以答風景聞有陽冰書蒼苔漉石影後視今猶昔莫更鐫崖請

賜江蘇學政李因培再疊舊作韻

三年滿浙政兩任返吳邦惟是簡英達將資化駁厖要存心一敬莫誦手無雙為問羅賢網可曾獲二龐

遊支硎山疊舊作韻

依舊青山與白泉重來過眼又三年發硎那是庖丁刃招鶴仍參開士禪舞為

去聲

鼓琴同木石甜如食蜜徹中

邊設云佛法全拈出遠矣失之大不然

支公庵

支遁何曾遁
硎庵尚有庵
迹同羅什北
心是慧能南
馬跋仍山逕
鶴歸帶曉嵐
不殊覲面者
松月映虛龕

寒山別墅

支硎一嶺過
咫尺到寒山
坐弄流泉潔
行尋曲棧閑
心因新霽喜
幾趁片時閒
大吏稱馳驛
遊覽所至畧觀大意即行尹繼善比

之馳驛看山然過而不留片
時閒適足矣謂之馳驛固當
俞哉為去聲破顏

綠雲樓即目

便門進即綠雲樓

過支刪小嶺即寒山別墅園牆向由園門入尚紆里許壬午遊總命從園

牆開一門進門不數武即綠雲樓益覺近便

拾級間登樓上頭蔚翠麥田真

卷畫適來原在畫中遊

飛魚峽再疊舊作韻

石峽龍門似常看魚闕然息原入潭水飛即上雲天或
羨知名士抑希登藉仙留題意何屬欲問隱居賢

馳烟驛戲題

高人伏處

去聲

必柴荆那識金根與翠旌萬騎馳烟綠驛

路似為

去聲

斯日設斯名

對瀑再疊前韻

飛瀑恒面壁不言真得髓綺言邇覺多合以擬擬洗

題澄懷堂

借問澄懷處寒泉泉石間落來心與洗渟際俗全刪竹
戛琅玕韻峯開翡翠顏最宜棄閒地搞句卒無閒

清暉樓

書樓宛在水中央
簷際波翻漱灩光
自是清暉供去聲山
水成詩誰似謝家郎

寒山千尺雪三疊舊作韻

知者樂水仁樂山
合妙撰斯惟石泉
宦光若可起而問
應以是語為探源
拘墟彼此執名象
乃舍實道循虛詮
澄懷之堂暫憩息

在寒山別墅中

餘興幽逕仍攀緣
曲欄扶者

宛熟路澄潭注處
成深淵醺流雖無
三千尺同一雪色
鋪岡巒坐令亭臺
疑瑤圃平看花木
栽銀田香聞蓊濛

不辨色訝至光福望海然聽雪有閣可虛擲便當摘句
於其間

聽雪閣三疊舊作韻

滴水傾於海濕性直到底此雪千古恒其理如是耳溪
閣尚未登早識箇間美既至坐而聽信足稱觀止弗忘
者先憂暫憑者後喜縱縱皚皚中何今復何始邂逅託
有因寤寐良無已

遊法螺寺

千尺雪上心已洗法螺寺中隨法喜肩輿旋轉入菁蔥
萬里之間論尺咫我聞吹螺演三乘又云佛頂螺髻青
色覓聲求盡邪道如見如來能不能

四依

皇祖華山詩韻二首

法螺西跋馬雲表竺龕深有進亦云到無營孰與侵

昔題猶舞鳳春景入言禽別室青山對憑軒一暢襟

舜歌賡四度彈指歲年深是日盤雲逕春風謾籟侵苔蒼

皴峙栢泉響答鳴禽峯頂孤亭在曾子谿遠襟

駐蹕靈巖三疊舊作韻

三載流陰瞬息中靈巖重禮梵王宮高標穹塔依空住
右轉行廬有逕通虛室還生今日白春花又吐昔年紅
憑欄最喜晴明望綠蔚平疇吳苑東

臨湖榭

峯巔虛榭臨太湖太湖萬頃胸中俱東洞庭山正當檻
青螺一點鏡面扶廓然上下共澄澈遊與造物為清娛

吳顛越躋實蟻關水天千古寧差殊少伯扁舟都藉藉
彼何人哉名利徒

靈巖襍詠四疊沈德潛韻

館娃宮

四計惑吳心羅殺教歌舞容步于何習或曰城名土蠡
獻子胥諫弗聽其言杜伊人詠館娃戒之在鑑古

琴臺

七絃寶古器斯臺未恰然抑于闐閭代抑在夫差年世

遷猶月白人去餘泉爰但供幽客至曲肱時枕眠

響屨廊

長廊今弗見但餘山洞敞索然怒公孫何能為聲響殺
諫國必亡館娃久榛莽奚稱踏步人足底佳音往

涵空閣

石鼓天平南嶠嶭聳碧空一目可千里具區波瀲風有
名無其閣望若雲中龍豈必拘墟求縱觀憑離宮

吳王井

日東而月西一例噴峯頂不見古人汲猶照今人影詩
雅詠斟壘易象示縉綆却想歸愚翁當年此汲井

研池

研池涌研山一泓清波冷得名蓋因境明如銅鏡青詎
緣習揮毫筆陣辨直橫其下應何有波伏龍不驚

米香逕

子友為諷諫扶彈履濡露笑愚而不聽先入言有素徒
傳香逕名春風馥錦霧狸卑終見放三津歸日暮

翫花池

德潛老始達大耋歸棲谷方其未出時此振衣濯足凭池匪翫花為愛澄波淥八章四疊賡藉擬蘭湯浴

穹窿山上真觀

嶽嶽高居祀

上真抒誠叩必以躬親太湖萬頃在襟袖穹窿億丈凌星辰不問長生崇羽士所希大有綏農民片刻成吟策返轡鄧尉香雪猶西鄰

鄧尉村

鄧尉村前萬樹梅半猶含朶半媽開問他底事不全放
應為今朝待我來

崑軸前旬已見梅心憐鄧尉背人開誰知玉馬尋山處
尚有香風撲面來

鄧尉山恭詠

皇祖松風水月額再疊舊作韻

逕入海為雪寺投寮是松蘇臺巡蹕四鄧尉仰

題
重心各水如淡影當春互濃于斯名獨讓曾不介乎胸

右松

既具蒨濛氣何妨淡蕩風
壁惟雷是綠舒或辨逢紅
山谷雪猶滿僧房春正融
一聲清磬度雅思眎崔峒

右風

託根既於岡寫影那辭水
態是弄珠人品乃濯纓子
逸格在橫斜幽香徹表裏
把擬問山僧可似曹溪旨

右水

浮動黃昏間不宿知宜月散采方森沉流香益飛越娟
娟覩神姿青青定仙骨漱潤懷清芬賡吟無厭歇

石月

鄧尉香雪海歌三疊舊作韻

吾家山信誰家吾輿圖府志難考初安名立字各阿好
咄哉史氏多傳誣姑胥省方已三度春風又拂鑾旗舒
尋山問水乃餘事觀民設教有正模雖然詎可負清暇
鄧尉一帶旄騎紆訂訛甄異弗重藉昔詩屢具茲遵途

化人寺亦仍小憩至理村旋

去聲

發前趨不舟而泛香雪

海較之牙檣樂有餘其色真色目止觀

去聲

其香真香鼻

靜娛似置膝六于太湖配藜旁魄無同殊筆規墨寫勢
欲輸蘭薰檀蕪庸更需清淺水復黃昏月于何浮動致
影疎那更遠憶大庾大了知近勝孤山孤前三後三會
光福千秋萬歲鄉句吳千秋萬歲鄉句吳笑我疊韻無
已夫

石湖八絕句和王寵題周臣畫簷頭韻

吳中山水致人憐最愛石湖茶磨前萬頃烟波連震澤
一堤花柳繪春天

參政當年經濟流虛名肯與世沉浮立朝事業誠無忝
寓意聊斯託狎鷗

風靜春湖玉鏡開北隣入影是郊臺孤卑雉傲偏誇勢
欲使東流直倒迴

亭子湖心昔日成周遭漪影漾檐輕三經攬景弗一到
弗到中饒不盡情

湖心亭非石湖舊蹟蓋丁丑南巡時
大吏以備臨眺者然三度石湖曾未

一到其地也

何必牙樯牽錦絲輕舟蕩槳可前移一鳩呌為頻呼婦
雙燕飛還欲乳兒

石湖詎較太湖強

海潮卷後倚巖石泉漚而為池實半畝餘因鐫壁題之曰石湖

花龕若鳳翔設使山僧斯面壁當前法乳是津梁

一帶春山問景歸

是日自靈巖取道上方山石湖一帶策馬歸蘇城

春雲時作

雨絲飛亂烟忽向峯頭歛迴望靈巖濯翠微

不少丹青鳥與花揀金鷄遇此披沙東郊烟景雅宜句

一例東京說夢華

詣

文廟行禮

雨中歸茂苑

聖廟郡城隅

文廟在城西南隅

崇像應虔叩

太學神主甚合古禮 闕里及此乃崇像設然有其舉之亦莫可廢也

入門

惟敬趨春堂烟織幕古樹露垂珠信曰有如此然而無有乎

戲題滄浪亭

假山真水傍城闌
結構誠云清絕塵
一帶隔溪列公廨
不知誰是濯纓人

過紫陽書院

書院泮宮後
菁莪藉地靈
學優乃從政
身致在明經
羣秀其無忝
老人尚有星

沈德潛長書院是日領多士跪接

明知艱步履

卧理足儀型

望晴

兩日剛快霽一半復密雨江國雖其常過甚亦致苦詢
稱弗礙麥恐出慰我語溝渠縱洩水根黃一二覩此豈
非傷潦卽晴庶救補到處均赤子為之厯相輔

蘇州啓蹕作

霽景麗天枉水程發畫艘清晨別茂苑已刻過吳江
迎送民情篤郊圻春色擬明將入浙境時邁亦予邦

縣名

欽定南巡盛典卷十二

欽定四庫全書

史部

欽定南巡盛典卷十三

詳校官兵部郎中臣孫球

欽定四庫全書

欽定南巡盛典卷十二

天章

乙酉

浙江

詩

入浙江境

一川不異舟兩省頻分郵風俗漸因別桑麻較更稠春
晴真是暢三載忽如流祇覺民情切惠鮮可忘去聲謀

題煙雨樓

岩堯無地起樓臺一棹宛從鏡裏來問孰宜烟更宜雨合
稱惟柳復惟梅韶光艷裔為屏匝漪影空明映座開錢
趙王孫詩與字

樓中有錢陳羣書趙孟頫耕織圖詩屏

却因吟翫久延陪

降旨免浙省所有積欠並經過地方正賦十分之
五詩以誌事

新正降恩諭江浙免積逋江省數實多

前降旨免江浙逋賦江南至一

百四十餘萬浙江止十三萬餘已不及十分之一且又報有續完則較江省更少

南北已大殊

因加惠江南

昨經臨江省詢知所免災緩積欠淮北獨多江以南纔三萬餘因將江蘓各屬熟田

未完欠項概行蠲免並免水陸所經州縣本年額賦十分之五浙省亦吾赤子懷保同殷且積欠又少用是并例不應蠲之未完銀穀悉予豁除復將經過地方新賦蠲半以均惠澤

浙省可忘乎入疆

再諮詢逋祇江南如更有續完者急公益加予漕欠及借項寬免例所無此豈非在民爰概與豁除其經過正賦十五蠲厥租休助庶以副歌頌寧所圖

賜閩浙總督蘓昌

楚粵曾宣績浙閩茲撫封外中久敬歷聲望益春容早是心如水應知壽比松自當隨蹕輦奕葉本從龍

賜浙江巡撫熊學鵬

西江儒素家兩浙撫安衙清慎勤無忝猷為守有嘉淳
風原在樸佳景漫求加識我慇懃意由來在漲沙

自石門縣跋馬度城易輕舟至陳氏安瀾園即景
襍詠

蟻舟跋馬度由拳心喜觀民緩著鞭更有閱塘予正務
遂循溪路易輕船

夾溪萬姓喜迎鑾桑柘盈郊入畫看廿四槩過風帆去聲

駛片時新壩到長安

即壩名

壩隔高低換綵舟綵舟致重櫓聲柔仍圖迅利策予馬

蓄眼韶光面面酬

鹽官三載重經臨兩字安瀾實厪心駐輦春風棄清暇

果然城市有山林

駐陳氏安瀾園疊舊作即事雜詠六首韻

如杭第一要籌奠海塘瀾水路便方舸

前巡抵杭城由陸路赴海寧閱

塘今年舟次石門即從別港水道前進先駐是園取便程急先務也

江城此稅鞍汐潮仍

似舊宵旰那能寬增我因心懼慙其載道歡

隅園城角邊新額與重懸意在安江海心非耽石泉喬
柯皆入畫好鳥自調絃有暇詩言志雕蟲不尚妍

鹽官誰最名陳氏世傳清詎以簪纓嚇惟敦孝友情春

朝尋勝重去聲

聖藻賜褒明

原任大學士陳元龍請老時
林泉耆碩額以寵其行今恭奉園樓正中

皇考書賜

來日尖山詣祈

庶盡我誠

書堂橋那畔熟路宛知尋既曲越延趣惟幽不礙深風
翻花動影泉出峽留音古枯無榮謝森森青玉針

園以梅稱絕盤根數百年古風度迴別時世態都捐春
入香惟淨月來影亦娟閒吟將對寫消得意為延

溪泛櫓聲柔溪涯有竹修獺時看伏翼

是園水中有獺

魚並育

槎頭似此真佳處無過信宿留觀塘吾本意詎可恣遨

遊

謁

海神廟瞻禮疊舊作韻

庚辰之歲潮趨北柴石塘工重

去聲事修亟籲

施仁斯益切不更

平聲為患即

貽床漲沙雖縱聞增渚汎水無過幸晏秋

廟貌欽崇緬

皇考中亶未復祇懷愁

賜浙江學政錢維城

化民惟在學取士要通經詎在工文采還當屏濫形須

懸虛鑑朗莫負舊氈青扈蹕常賡韻何殊侍內廷

命添建海寧縣城石塘前坦水石詩以誌事

柴石兩塘工前巡大端定

前巡閱視海塘時有以老鹽倉一帶柴塘恐難經久請易

柴為石者及親臨度視則塘內沙活不可下樁再移內移十丈雖工作可施勢必毀棄田廬未弭患而先殃民又豈保衛之道因決意修築柴塘勅部議增薪值俾採購裕足並命添置坦水簍石捍護隄根茲來重

相視事無不用敬念茲古縣城萬民所托命城南即石

塘魚鱗固綿亘但潮今北趨已近塘根迎坦水縱兩層

潮來惟一賸設使久盪激塘根將致病去歲雖添建六

十丈而竟尚欠久安榮俾增一律稱

去歲撫臣請建坦水六十餘丈止就

險要而言于全塘形勢尚未等及因命增建四百六十餘丈並視二層舊坦之橋殘石缺令補易繕完使護塘

根永資

殺去聲

勢護石工費帑吾寧聽何當復中疊額手

斯誠慶

賜浙江督撫及其屬吏食詩以言志

入疆雖曰慶土地豈其宜

嘗謂孟子此言或可行于其時實難行于千古然奪彼與

此即當時亦覺難行且若皆宜慶者將以何地與之

聊以肆筵惠酬斯執役疲所

嘉民弗課實慰我深思休養富而教勗哉賢有司

塘上三首

尖山將往閱潮淤塘上清晨發步與一帶堤根皆嚙水
撫斯安得暫心紓

魚鱗誠賴此宗隄隄裏人家屋脊齊土備却稱守重障
土備塘海望所修欲以為重關保障夫石塘外如果可
為重障尚可今為之塘內且置人家于外豈有土更堅
于石之理譬之防盜者舍牆
門而扃屋扉甚無足取也 一行遙見柳烟低

竈戶資生釜海存刮沙煎滴事牢盆茅棚葦竇何妨覽
欲悲吾民衣食源

登尖山觀海

宮堯淨土普門憑觀海因之棧道登愧我敢云希績底
奠茲惟是賴仁能臺臨上下空無際舟楫往來波不興
俯視塔山資射浪謾言沙漲有明徵

視塔山誌事疊舊作韻並示地方督撫及司事者

壬午視塘後沙漲伸如翼不久復致坍溜仍塘根逼自

茲月據報

壩基下有護根石簍前巡臨閱時沙漲掩簍痕四尺許因命標誌其處驗增漲尺寸浙撫

每月奏報時緩亦時急即今石簍下又見漲沙立較之昔立

標乃更增五尺

沙漲時有羸縮茲親臨勘驗較舊誌復增五尺大吏皆謂江海效靈然坍塌靡

常實不敢即以為慰也

效靈漫致頌安保無更易夫惟君與臣均

有安民責為民籌保障可弗此心悲何時沙坂堅魚鱗
易條石惟俟

天默佑斯實乏良策

閱海塘再疊舊作韻

依舊潮頭近逼塘

貽謨昔日計深良

自乾隆戊寅後潮勢復漸趨北疊恃魚鱗大石塘及坦水竹絡壩為羣護益仰

實為萬世永賴

皇考定制

成規敬守修柴石

先是建議者擬易柴塘為石工壬午親臨相度塘下活沙既汕澁不受椿而內

徙又妨田廬因命專修柴塘且增料
偵其條石各工隨宜加斲俾資捍禦

古語誠符變海桑

南坍北漲北坍南漲惟浙省
為然蓋無百年不易之事

思復中壘亦過

平聲望便由

故道敢私慶盡人事俟

神庥耳蒿目一勞念未遑

觀潮四首

鎮海塔傍白石臺觀潮那可負斯來塔山濤信須臾至

羅刹江流為去聲倒迴

索籥堪興呼吸隨混茫太古合如斯伍胥文種誠司是
之二人前更屬誰

候來底藉鳴鷄伺朔望六時定不差斫陣萬軍馳快馬
飛空無轍轉雷車

當前也覺有奇訝開後本來無事仍我甫廣陵辨方域

枚乘七發觀濤廣陵之曲江注未詳其所在後世乃指
浙江為曲江以浙江濤廣陵濤溷而為一蓋未深考漢
書地理志餘杭屬會稽而不屬廣陵相習傳譌耳且如
篇內伍子之山胥母之場並在吳境于揚于杭皆風馬

牛不相及尤難強為比附因漫重七發述枚乘
作廣陵濤疆域辨以正之

至杭州詣

皇太后行宮問安有作

鹽官先往為壽塘舊路

安舟奉

壽康百里郵程至卓午兩朝

食履慶增常撫茲鄺市誠殷富益為去聲黔黎計久長咫尺

西湖清且麗承

歡雅足答韶光

恭依

皇祖巡幸杭州詩四疊韻

深宮晏處敢求安吏治民生厯省觀寧海未茲駐巡駕

海寧先彼莅鳴鑾魚鱗塘欲石圍固

魚鱗大石塘屢接築以期鞏固雁

字灘希沙漲寬此是來遊最要務詎緣山水覓清歡

賜錢陳羣

王帖一旬猶過之

羲之帖足下今年政七十來迎喜重

耶陳羣今年八十歲故云

去聲 晤龐眉杖朝足領羣仙列從政仍教一子隨

陳羣子汝誠適

來 鹿蹕

商榷古今關治亂咨詢風物度淳漓我閒却是卿

無暇合為

去聲

催賡攬勝詩

韻玉館

杭州行宮內

前度教栽竹今來萬个強故知功獲倍

南方種竹最易北地所不逮也

恰與歲俱長安得三庚至坐披滿意涼清風簷際度彈

是子登琅

策馬登吳山

策馬登吳山撫今並攬古金主寄遐懷宋帝守偏宇離宮蹟久湮殘碑委榛莽苟安忘中原處堂亦何取江湖仍江湖曾幾荆凡覩衢市日繁富為之塵相輔必也臻大當詎其在小補

瑞石洞

吳山臨絕頂石洞在其下捨馬盤輕輿因循輿並捨峭嶮輿突間蹠步窮幽冶怪狀疑鬼神虛勢若廡房盡態復極妍誰能辨炙輶畝半得小亭天池一杯瀉設使導之

流何異香鑪者

四依

皇祖吳山詩韻

崇岡俯視見西湖氣接三元上景衢設使畫家為設色
定湏粉本夏侯圖

飛來石

何處飛來此處栖玲峯想自聖湖西翩翩漫擬嗤無翼
何悟南華大小齊

初遊勝果寺

紺宇鳳凰

山名

上曹溪初問津佛無六塵染僧喜一時新

地方大吏施檀為新廟宇

竹護山腰路花榮殿角春排衙稱有石

見志

書

淨地恐非倫

澄觀臺

鳳凰山上有高臺題以澄觀記初來湖水鏡光自西湧
江潮帶影日東迴澄懷觀物真超矣得意忘言亦快哉
訝到水晶宮觀表更于何處惹塵埃

觀潮樓

前度沙平漲樓原陸地陵

壬午登眺時樓前漲沙頗遠江船不能近岸多以牛車輓

運今來則江水近在隄下舟可泊塘蓋遠則衝壩無虞而艱于估舶近則帆檣稱便而潮溜或侵塘根似茲遷

漲靡常並為全塘屢念

今來江又近舟可跨欄乘變幻有如此晏

清竟底憑水師呈技藝

總督蘇昌攜閩省水師于樓前呈演水操諸技頗為嫻熟因行

賞以行賞命旌能

晴

夜半問陰晴報曰雲垂宇昨近臨茂苑頗覺靈春雨登

舟始開霽逮茲六日許宜暘乃利農麥菜資曦煦何處
不籌穡為之心憂鼠朝來西南風密雲散如縷農父笑
迎鑾此樂吾同汝

閱武

杭州

詰戎要務政攸關駐蹕宣程執戟班列陣旌旗特親閱
統軍甲冑搃躬操練方有勇誠斯謂安不忘危厯此間
那似建隆誇偃武春風惟是賞湖山

昭慶寺

錢塘西北隅律寺接通衢六度守毘苑千年對聖湖繞
階馥忍草出屋鬱禪株

慈壽山齊永誠哉昭慶符

大佛寺題句

昔圖黃龍佛已謂大無比今遊石佛山大佛實在是一
面露堂堂滿月光如洗我聞芥子微須彌納其裏熾然
無昔今咄哉那彼此

遊黃龍洞

舊識山陰路重尋春仲天樹藤他作體巖卉淨為娟護

逕饒修竹繞階泌冷泉曾經圖丈六

洞有石佛像壬午南巡遊此親圖其

像成幘系贅衰池並命摹勒石壁

丈六祇如然

紫雲洞口號

春暄攀陟汗流漿北洞入纔迫體涼却上丹梯不數武
轉溫仍欲換衣裳

題六一泉

嶼山西南隅云有六一泉三度曾未臨寄興託吟篇今

來稱潔葺用備小憩延適自西泠

橋名

過路左實近便遂

與一蹠步花竹誠翳然奇石貯天池清泠如鏡圓誰當
此濯纓因之緬昔賢蹟縱有顯晦境固無變遷獨是亭
軒者微嫌踵增妍歐蘇肯斯乎不能無疑焉

詣聖因寺瞻禮

皇祖神御殿

南邦六度事

虞巡

神御今猶瀛嶼垠耑

殿三年思

聖軌見

牆一脉切

天倫百王屈指誰同德四海傾心永戴仁蒙業貽庥益欽
若自惟何以

憲章循

恭奉

皇太后至聖因寺行宮駐蹕作

西湖行館聖因傍三載重欣奉

壽康節值閏春駐韶景地呈佳境萃

天慶一隄柳色間花色四面山光入水光更喜快晴宜麥
菜餘閒消得有詩償

淨慈寺瞻禮

古剎南屏明水涯畢輶紳士祝

延釐依然波淨連天淨可識佛慈即

聖慈春物薰馨含慧業名禽宛轉入聞思誰云儒釋非同
道似此傾誠豈不宜

小有天園

花木昌如候名園小有天面湖澄淨影背嶺蔚晴烟何
礙高樓起翻成一覽全興心尚龍井詩就便鳴鞭

龍井八詠

過溪亭

溪云不過忽成過一笑名因二老留有意無心設相較

不過屬有意
過屬無心
過羸不過兩三籌

滌心沼

雲棲已有洗心亭
龍井復傳滌心沼
滌之洗之名太紛
不及無心自了了

一片雲

片石璫瓏依碧峰
英英常帶岫雲濃
山莊別室斯津逮

避暑山莊有
皇祖御題一
片雲額在延熏山館東偏別室
對此依然仰

聖踪

風篁嶺

聽曲曾聞絕勝

去聲

絃老枝介介穉娟娟分明好是三春

景忽訝清秋籟颯然

方圓菴

數椽敞屋號方圓立字安名屬偶然何事南山誇博學

方圓媿媿著言詮

南山僧守一有方圓菴記米芾書之

龍泓澗

石欄四面一泓清可數鬚眉鏡影呈流出細渠原足底

山根聞作半天聲

神運石

詭石狎如偉丈夫
遙年題識半模糊
新詩業已行行泐
曷不由今視昔乎

翠峯閣

翠峯却是新成閣
前度遊情祇目前
問水尋山付餘事
觀民察吏勅機權

上天竺法喜寺

盤高下龍井入妙造西峯仍是諸天上度瞻滿月容春

花紺宇護古樹翠陰濃不二門惟此那分教興宗

咸淳臨安

志郡守沈文通以教
易禪故未聯及之

過三天竺口號

一天竺耳乃稱三似屬岐談實理談譬言以人身心情性

是分是合是瞿曇

賦得春蠶作繭

得同字八韻
試浙江士子題

候占春駘蕩功盛浙西東有女柔桑取惟蠶作繭充寒

暄曉夜蛹蠅辨雌雄飼浴勤民舍繹繅倡后宮室溫
防冷逼箔炭擬山崇經緯不言表樞機默運中鮫人空
說巧園客那稱工比似抽思者成章畧或同

虎跑泉用蘓軾韻

二虎來跑泉湧上至今稱泉其名仰試問此事信也無
不過奇談供抵掌東坡頗透如來禪云何唯唯隨影響
末後一句原不凡迴絕世間往來想

即用蘇詩意

瞻禮六和塔作歌

出山策馬循江干，窳堵遙見青雲端。
旋到捨騎入塔院，屏營瞻禮心神寬。
鎮江初建憶北宋，時方一統歸提封。
詎知九世忽南遷，徒供紹淳遊賞用。
昔年我實親曾登，睨眼條歷最上層。
江海全勢在指顧，茲弗躬臨意以憑。
漫言見表知其裏，由來我亦增年矣。

開化寺疊舊作韻

枕巖紂宇鬱嶕峩，雖事裴嚴遠市朝。
烏雀聽經皆宿慧，風幡說偈自高標。
山雲不雨峯猶濯，閨月當春景並饒。

穹塔六和建初宋為安民庶鎮江潮

雲棲寺再疊舊韻一律

萬綠瓊竿叅漢青十尋枝見下亭亭此中尋路一時到

教外無言六字聽

是寺僧以念佛為務不叅禪

坐對溪聲流不盡了

同山色峙常停道場開後於菟避

誌稱其地人跡罕至明僧祿宏結菴後虎

不傷人借問山僧具底靈

理安寺

環繞七峯處合流雙澗間棲真適歸逕掛衲

寺中齋名見武林梵

志

便尋山詎亟一遊興圖消片刻閒憑欄挹蔥翠可以
謝躋攀

用張祜杭州孤山寺詩韻

湖中峙玉岑可以空聲禪心佛自超六度僧還論五陰
瑤壇接天淨舍利影波深隨步香風遞依稀蓂蔔林

清漣寺觀魚三疊舊作韻

跋馬蘓隄上幾間尚有餘隔松聳瓦獸穿竹敞扉魚已
是知途逕聊當前袂裾翠鱗仍物若玉鏡自澄如潛合

六根淨浮成八體書不須聞梵貝對此即禪歟

三和

皇祖靈隱寺詩韻

冷泉繞曲曲鷺嶺矗峩峩襟帶有如此清涼那見多雲
居懸月地塵跡掃風蘿分付庭前柏記予四度過

韜光菴疊舊作韻

竺菴猶隔幾重林雲隱西廂路入深借石為關誰許啟
引泉接竹迤相斟上方殿塔寂鐘磬下界湖山自帶襟

比喻漫同虛室白箇中祇合證無心

柏堂再疊蘓軾韻

聖因之右嶼山前陳跡空尋竟漠然廣化那存當日寺
天嘉空紀建時年有為一切法如夢無盡雙株指可傳

太乙荒基一再詠

西湖志柏堂廢基在西太乙宮

欲呼玉局與談禪

竹閣再疊蘇軾韻

兩翁

謂白蘓

遺蹟辨疑然那更追尋堂與軒千載月明來

鶴伴四時風颯動龍孫勝遊何必思蕭寺逸格仍看

護野村真者在
前應擱筆却因觸興未忘言

漪園

一園倚南嶺十畝占西湖
盪漿到門第開軒晒畫圖
鳶魚機表容花柳鏡中鋪
有術如觀水誰能捨此乎

遊小有天園登絕頂

最愛南屏小有天
登峯原攬大無邊
易詮藉用還司馬
琴趣那能效米顛

峯頂勒司馬光書家人卦及米芾大書琴臺二字

百卉都知

鬪春節

翼日清明

千林乍欲斂
朝烟菁蔥峭
菑閒探妙比似

仇池然不然

留餘山居

南山北麓有山居早識清幽試訪諸壘
奇峯中進輦
砦旬懸瀑近濺裾千林黝藹藏濃霧一氣空濛合太虛
不盡興而便言返吾原每事欲留餘

聽泉亭子

題額不經想有泉實入聽武林傳梵志無復見蘓亭

向題山居亭子曰聽泉茲偶閱武林梵志則載東坡

所榜聽泉亭在法相寺里許沿塢而上云云正為此
地蘇亭雖不可考而我心同然彼已先得之矣因並
識之

吟香別業

斷橋盡處孤山左范撫池亭早就荒

事見前
巡詩註

雖是葺新

為勝賞却因易舊曰吟香幾迴攬結全非候

蓋以池中
多蓮吟香

之名由是而得然
春月非蓮候也

無乃稱呼特好去聲祥似此山明兼水

秀便勾留亦定何妨

題放鶴亭

一嶼湖心聳絕奇，問誰雅合此居之。
墓門詩裏有佳句，隱士傳中無愧辭。
可是寒梅猶手植，欲招野鶴識心期。
由來肥遯終非遯，兩字通仙萬古知。

題西湖十景三疊舊作韻

蘓堤春曉

春來萬物喜昭蘓，正值巡方蹕駐吾。
跋馬長堤頻按轡，韶光輝映兩邊湖。

柳浪聞鶯

輕風萬縷弱搖金披不知寒望轉深乍聽緡蠻尋不見
繾懷宵雅詠遷林

花港觀魚

平鋪設認港如練亂簇當知魚即花不辨乾淳當日蹟
杭人猶說舊京華

曲院風荷

綠水連漪細皺風為瞻題額想花紅過飛逸興昆明上

夏月搖光正此同

雙峯插雲

一雙長劍倚天垂雲作袂褱片片飛宇宙以來便有此
那稱歐冶破堇時

雷峯西照

斜陽一照本無意古塔七層浪有名恰與靜慈作屏障
赤文豎豎復橫橫

三潭印月

恒沙常轉法王輪潭月偏標清淨身識得西江汲一口是
中非果亦非因

平湖秋月

春和駘蕩正油油遠矣秋蟾弄影柔却是平湖自千古
豈知今昔有遷流

南屏晚鏡

月色采鷁清暎屏南風送得夜鐘聲時巡展義率由舊
政化無煩在屢更

斷橋殘雪

麥色佳因護雪餘
斷橋冬景眼前如
行春所喜情田好
老幼歡欣擁蹕輿

西湖行宮八景重詠

四照亭

南來逐處仰

堯巡四柱幽亭冠
碧峴從識憂民

聖皇照絕勝
避世隱人淪

竹涼處

猗玗新粉欲霑衣
曲處通幽幾个稀
春日暄妍靜風籟
何來拂面嫩涼微

綠雲逕

喬林羃嶺蔚英英
四季那知謝與榮
不向山陰更移步
恐妨鶴訝客來生

瞰碧樓

迴樓特地背孤山
明聖湖光襟袖間
底識與民同樂處

酒船一任往和還

貯月泉

平湖秋月久聞諸輪尺山泉印亦如最是南禪提要句
小非嫌窄大非餘

鷺香庭

高出庭簷始有枝天香疑是月中披何須漫惜非秋節
會取根塵未現時

領要閣

山色湖光應接忙，閣中領要足徜徉。然予却未忘拈句

名畫輸他印識梁

梁清標最為賞鑒家，然于書畫佳蹟，惟用觀其大畧，印從未見著語，故戲

之及

玉蘭堂

王維文壁地皆異，李白江淹夢亦虛。千古西湖付批判，
底須多事更吟予。

喜晴

逾旬幸值晴，一雨審何妨。昨宵勢頗綿，清曉釀微涼。過

甚傷麥菜兼虞害蠶桑以此切切愁崇居不敢康日出
忽聞霽雨止雲漸昂然時猶聚散卓午乃盡藏按轡徐
觀民作與農夫慶有喜乃真喜寧因賞景光

敷文書院再疊舊作六韻

湖山孕靈處憂行

去聲

不憂文詎尚三都賦誰批五鹿君

甄身貴方正績學要精勤盧植刊碑在戴憑奪席聞崇
儒臨帳絳程士駐旄紛何以對休命佇惟佑畢羣

策馬由南屏復至天竺

敷文章書院崇學勵士英天竺謁梵宇設教順民情

浙民

敬奉天竺大士朔望尤盛雨暘必禱

況予昨望霽可弗謝快晴策馬下松

嶺

書院在萬松嶺上

遵陸過南屏漪園小有天概弗翠蹕停取

道下家山不過廿里程菜麥暄曦光襍然皆向榮蠶事

雖未興柔桑亦已萌攬結足怡心非關山水清是日值

香市

是日月望

更弗嚴蹕驚駢填老與幼都增喜色迎如如

瞻大士朗朗通吾誠設再十日霽春收庶有成

靈隱寺仍疊宋之問韻

五字特雋雋千秋屬和寥兩章笑多事一滴欲增潮緬
想驀然過重尋去若飄都成佳話許漫惜勝期遙過雨
花如笑經冬松不凋原來符道趣那得惹塵囂識取冷
泉畔橋為信度橋

水樂洞

八音獨無水一洞乃兼全激石纔越若撻金恒繹然竹
絲艷有壞土木草非堅不待太師作千秋角徵絃

理安寺

儒釋雖殊道理安原實同為咨學佛侶何以繼宗風澗
水環門淨山峯映座崇縱然聲與色箇裏不空空

再遊雲棲

雲棲最愛幽而樸每至西湖必西來依舊矮簷環曲堵
底須香閣聳瑤臺舉頭竹密藏峯峻撲鼻蘭馨過雨纔
合掌閣黎不饒舌真言六字已云該

再登鳳凰山

鳳凰山豈鳳凰遊態實翩翻麗且道湖景當春奇畢獻

海門浴日勢全收
難尋建置錢還趙
何論廢興夫與句
設以來巢擬阿閣
不增吾喜祇增羞

排衙石口號

致譏幸不同松下
曠覽真教窮海涯
我自觀民勤露冕
豈資卷石為去聲排衙

再遊瑞石洞覽古

石洞真看以石奇
飛空爾若瑞雲垂
訝如欲墜忽然住
已似難前又可披
窳窳森森通地穴
澄泓處處貯天池

禁山南宋無人到賜第居然獨屬誰

青湖襟志瑞石為南宋禁山惟韓侂

曹得賜
第云云

再遊龍井作

清蹕重聽龍井泉明將歸轡啓華旃問山得路宜晴後
汲水烹茶正雨前入目景光真迅爾向人花木似依
然斯誠佳矣予無夢天老邨希李謫仙

杭州啓蹕迴鑾之作

武林門外候蘭船旬日盤桓合命旋指數上聲流陰迅稔

再情知勝處戒留連江工塘壩籌悉定民事農桑期恐
愆勤爾農桑須盡力莫更依戀蹕途邊

再遊烟雨樓

南去北還半月餘瀧湖樓閣祇猶初墨辛夷縱花全謝
紫碧桃方朶艷舒

是處見紫碧
桃花特鮮艷

波態含烟欲藏舫雲容

釀雨正如車循名奚要惟晴好念在蠶筐與麥鋤

三和錢陳羣田園襍興詩十首

詩篇來往達音聲前席尤欣晤耆成曰善頌卿思古者

不忘規我廩民生

肩輿弗許遠近催喜過新年八袞開民數無央觀鑒路
就中遙識地仙來

清短身如愚也柴當年給杖重

去聲

扶來相逢一別三年

話不覺金猊篆已灰

問汝林居更底勞每逢賡韻首應搔

陳羣雖居林下每得新作常和韻以

進故以此句朝之

即今三疊田園興一例還當報木桃

詎必鄉田藉自畦潤身原以德充肥不妨春冷常朝出

或遇山佳定暮歸

晏眠誰斥入朝遲
娛老那虞生理微
子貳地官身里俸
豈同寒士論潛飛

鄉居想復濟貧寒
未肯君恩身受單
更有餘閒問風景
南湖春水映心寬

老伴詩人沈與錢
清詞麗句答芳年
為詢北阜竹梅月
何似南樓烟雨天

于公門巷豈嫌低
歸省還聽琴轡飛
依蹕却因勤供奉

肯教婦子一家園

陳羣以老侍從迎鑾後即隨扈行在特命其子汝誠先還家侍母俾得歡

聚庭
闈

石湖高致寄冬崧潤筆應知藉酒釀三十首中和十首

范成大田園襟興本三十首陳羣所和三分之一也想因詩興偶然供

夜雨

閏二月
廿二日

纔方盪漿返南湖興託湖樓烟雨圖入夜寥寥却頻靈
滿川點滴乍平鋪問誰司化真奇矣廼善循名若此乎
適可宜晴多未可恐妨織婦與耕夫

喜晴二首

水風啦啦拍舟鳴
吹散吳雲喜快晴
夾岸菜花與桑葉
宜暘總覺愜予情

鳩已無聲鵲已鳴
所希繼此浹旬晴
農夫織婦歡迎蹕
爾我同斯悅霽情



欽定南巡盛典卷十三